

UNIVERZITET U SARAJEVU  
STOMATOLOŠKI FAKULTET SA STOMATOLOŠKIM KLINIČKIM CENTROM  
Broj:01-4-2-53-3/2023  
Sarajevo, 17.10.2023.

Na osnovu člana 69. Zakona o visokom obrazovanju (Službene novine Kantona Sarajevo, broj: 36/22), 111. Statuta Univerziteta u Sarajevu, a vezano za dopis Prodekana za nastavu broj: 01-4-3-164/23 od 17.10.2023. godine i dostavljenog prijedloga Poslovnika o radu katedri Stomatološkog fakulteta sa stomatološkim kliničkim centrom Univerziteta u Sarajevu, Nastavno-naučno vijeće na sjednici održanoj dana 17.10.2023. godine donijelo je sljedeću:

### ODLUKU

1. Usvaja se Poslovnik o radu Katedri Stomatološkog fakulteta sa stomatološkim kliničkim centrom Univerziteta u Sarajevu, usaglašen sa prijedlozima Šefova Katedri Stomatološkog fakulteta sa stomatološkim kliničkim centrom, koji je sastavni dio ove odluke.
2. Poslovnik o radu Katedri Stomatološkog fakulteta sa stomatološkim kliničkim centrom Univerziteta u Sarajevu mora se učiniti dostupnim objavljivanjem na oglasnoj ploči i web stranici Fakulteta te njegova primjena počinje dan nakon objave.
3. Ova Odluka stupa na snagu danom donošenja.

### Obrazloženje

Dana 17.10.2023. godine Prodekan za nastavu je dostavila prijedlog Poslovnika o radu Katedri Stomatološkog fakulteta sa stomatološkim kliničkim centrom Univerziteta u Sarajevu, usaglašen sa prijedlozima Šefova Katedri Stomatološkog fakulteta sa stomatološkim kliničkim centrom Nastavno-naučnom vijeću na usvajanju.

Na osnovu naprijed navedenog, donesena je Odluka kao u dispozitivu.

Pripremila/obradila i za uskl sa zakonskim  
i podzakonskim aktima odgovara:


Ilda Lendo, dipl. iur.

Akt kontrolisao: Edisa Lišić, mr. sc.

Akt odobrio: Prof. dr. sc. Mirjana Gojkov-Vukelić

*[Signature]*

*[Signature]*



Dostaviti:  
-Šefovi katedri  
-Sekretar Fakulteta  
-Studentska služba  
-Dosije NNV  
-Arhiva

**UNIVERZITET U SARAJEVU**  
**STOMATOLOŠKI FAKULTET SA STOMATOLOŠKIM KLINIČKIM CENTROM**

Na osnovu člana 69. stav (1) tačka d. Zakona o visokom obrazovanju („Službene novine Kantona Sarajevo, broj:36/22), i člana 111. Statuta Univerziteta u Sarajevu, Vijeće Univerziteta u Sarajevu - Stomatološkog fakulteta sa stomatološkim kliničkim centrom na sjednici održanoj 17.10.2023. godine, d o n o s i

**POSLOVNIK**

**O RADU KATEDRI STOMATOLOŠKOG FAKULTETA SA STOMATOLOŠKIM KLINIČKIM CENTROM UNIVERZITETA U SARAJEVU**

**I OPŠTE ODREDBE**

**Član 1.**

Katedra je podorganizaciona jedinica na kojoj se realizuje nastavni, umjetnički, naučnoistraživački i umjetničkoistraživački rad i koja objedinjuje više srodnih predmeta iz jedne ili više srodnih naučnih oblasti, u skladu sa zakonom i statutom.

**II NADLEŽNOST KATEDRE**

**Član 2.**

Nadležnosti katedre u realizaciji nastavno-naučnog i nastavno-umjetničkog rada su:

- a) organizacija i izvođenje nastavno-naučnog, nastavnog rada definiranog nastavnim planom i programom na studijskim programima i iz predmeta za koje je katedra matična, kao i organizacija naučnoistraživačkog i umjetničkoistraživačkog rada,
- b) organizacija i izvođenje praktične nastave,
- c) priprema studijskih programa i nastavnih predmeta i njihovo permanentno usavršavanje,
- d) praćenje realizacije utvrđenih nastavnih programa i nastavnih predmeta,
- e) praćenje rada i uspjeha studenata i predlaganje mjera za njihovo poboljšanje,
- f) predlaganje naučnog i stručnog usavršavanja i napredovanja akademskog osoblja,
- g) predlaganje objavljivanja konkursa za izbor u akademska i naučnoistraživačka zvanja, kao i sastava komisija za izbor,
- h) predlaganje zamjene i angažiranja akademskog osoblja,
- i) predlaganje angažiranja naučnih i stručnih lica i stručnjaka iz prakse za obavljanje eksperimentalne i praktične nastave, kao i za realizaciju naučnoistraživačkog i stručnog rada,
- j) usklađivanje programa naučnoistraživačkog rada sa potrebama nastavnonaučnih disciplina zastupljenih u okviru odsjeka odnosno katedre,
- k) poticanje i uvođenje studenata u naučnoistraživački i stručni rad,
- l) organiziranje naučnih skupova iz djelokruga rada katedre te osiguravanje učešća akademskog osoblja na skupovima ove vrste u zemlji i inozemstvu,
- m) rješavanje tekućih organizacionih i stručnih pitanja u okviru katedre,
- n) uspostavljanje registra studijskih programa koji se samostalno ili u saradnji sa drugim katedrama fakulteta realiziraju na katedri i koji čine dio registra studijskih programa koje uspostavlja rektor Univerziteta u Sarajevu u skladu sa zakonom.

**III SASTAV KATEDRE**

**UNIVERZITET U SARAJEVU  
STOMATOLOŠKI FAKULTET SA STOMATOLOŠKIM KLINIČKIM CENTROM**

Član 3.

Katedru čine nastavnici i saradnici koji su u radnom odnosu i izabrani za naučnu oblast ili nastavne predmete koji pripadaju Katedri.

Član 4.

Katedrom rukovodi šef katedre (u daljem tekstu: šef), koji je za svoj rad odgovoran Vijeću fakulteta i Dekanu.

Član 5.

Šef i zamjenik biraju se iz reda nastavnika katedre.

Prijedlog katedre za šefa i zamjenika utvrđuje se nadpolovičnom većinom ukupnog broja nastavnika i saradnika sa Katedre. Prijedlog za šefa katedre potvrđuje Vijeće fakulteta. U slučaju da Vijeće ne usvoji prijedlog katedre, šefa katedre predlaže dekan.

Član 6.

Vijeće nakon utvrđenog prijedloga katedre, bira šefa i zamjenika na period od dvije godine.

**IV VIJEĆE KATEDRE**

Član 7.

Sjednicu katedre saziva i predsjedava joj šef, a u slučaju njegove opravdane odsutnosti-zamjenik šefa. Sjednica se može održati samo ako je na njoj prisutna najmanje polovina ukupnog broja članova katedre.

Član 8.

Sjednice katedre sazivaju se najmanje tri puta u jednom semestru, prvi put na početku akademske godine.

Sjednica se može sazvati i na zahtjev najmanje polovine članove katedre ili na zahtjev dekana i prodekana za nastavu.

Član 9.

Sjednice katedre sazivaju se pismenim ili elektronskim putem, uz navedeni prijedlog dnevnog reda.

Utvrđeni prijedlog dnevnog reda potvrđuje se na samoj sjednici.

Član 10.

Član katedre obavezan je prisustvovati sjednici. U slučaju spriječenosti dužan je obavijestiti šefa katedre.

Član 11.

Na prvoj sjednici katedre, nakon imenovanja novog šefa bira se zapisničar.

Zapisničar katedre može biti biran iz reda nastavnika i saradnika bez ograničenja u trajanju mandata.

**UNIVERZITET U SARAJEVU**  
**STOMATOLOŠKI FAKULTET SA STOMATOLOŠKIM KLINIČKIM CENTROM**

Odluke na katedri donose se većinom članova katedre, javno osim ako je tajno glasanje propisano općim aktima Fakulteta.

Član 12.

Na sjednicama katedre evidentiraju se zaključci, a član katedre koji se ne slaže sa zaključcima ima pravo priložiti svoje izdvojeno mišljenje kao sastavni dio zapisnika.

Član 13.

O radu na sjednici katedre vodi se zapisnik koji sadrži: datum i vrijeme početka sjednice, imena prisutnih članova katedre i eventualna imena ostalih prisutnih na sjednici, imena odsutnih, utvrđeni dnevni red, podatke o glasanju, formulacija odluka i zaključaka i vrijeme završetka sjednice sa potpisima šefa katedre i zapisničara.

Svaki sudionik ima pravo priložiti autoriziranu diskusiju, prilog zapisnika i to u roku od 3 dana od dana održavanja sjednice ili je može priložiti na samoj sjednici.

Član 14.

Zapisnik sa prethodne sjednice usvaja se na narednoj sjednici katedre, kao prva tačka dnevnog reda.

Član 15.

Šef katedre obavezan je dostaviti prodekanu za nastavu Izvještaj o radu katedre jednom godišnje, na kraju akademske godine. Izvještaj vezan za III ciklus studija dostavlja se prodekanu za III ciklus studija.

Član 16.

Ovaj poslovnik će se primjenjivati od narednog dana od dana objavljivanja na web stranici, a nakon usvajanja od strana Nastavno-naučnog vijeća Fakulteta.

Broj: 01-4-2-53-3/2023

Dana: 17.10.2023.

